





石倉十二代詩選

唐卷之七十六

晚唐

十六

明候官曹學佺閱

羅隱

字昭諫  
餘杭人

思故人

故人不可見  
拂衣聒鳴琴  
鵲繞風枝急  
螢藏露草深  
平生四方志  
此夜五湖心  
惆悵友朋盡  
洋洋漫好音

思歸行

不耕南畝田  
為愛東堂桂  
身同樹上花  
一落又



歷代詩選 唐羅隱 卷七十六  
經歲交親益相薄知己恩潛替日開十二門自  
是無歸計

蘇少小墓

墳居攜里城尚未有人耕好月當年事殘花觸  
處情向誰曾艷冶不朽是聲名應待吳王日蘭  
橈暗送迎

商驛與于韞玉話別

南朝徐庾流洛下憶同遊酒采閒坊菊山登遠  
寺樓相思勞寄夢偶別已經秋還被青青桂催

君不自由

紅葉

不奈荒城畔那堪晚照中野晴霜裛綠山冷雨  
催紅遊子灞陵道美人長信宮等閒居歲暮搖  
落意無窮

絕境

絕境非身事流年但物華水梳苔髮直風引蕙  
心斜凡客從題鳳膚音未勝蛙小船兼有槩姑  
與問漁家



姑蘇真娘墓

春草荒墳墓萋萋向虎丘死猶嫌寂莫生肯不  
風流皎鏡山泉冷輕裾海霧秋還應伴西子香  
逕夜深遊

宿彭蠡館

孤館少年旅解鞍增別愁遠山矜薄暮高柳怯  
清秋病裏見時態醉中思舊遊所懷今已矣何  
必恨東流

燕

不必嫌漂露何妨養羽毛漢妃金屋遠盧女杏  
梁高野思雙飛急煙情對語勞猶勝黃雀在棲  
息是蓬蒿

除夜寄張達

梅花已着眼竹葉泥粘屨只此留殘歲那堪憶  
故人亂離書不遠衰病日相親江浦思歸意明  
朝又一春

做玉臺體

青樓枕路隅壁甃復椒塗晚夢通簾押春寒逼



酒爐解吟憐芍藥難見舊菖蒲試問吟多少隣  
姬亦姓胡

維城作

大鹵旌旗出洛濱此中煙月已埃塵更無樓閣  
尋行處只有山川識野人早得鑄金誇范蠡旋  
聞垂釣哭平津舊遊難得時難遇迴首空城百  
草春

秋日有寄姑蘇曹使君

多病無因棹小舟闔閭城下謁名侯水寒不見

雙魚信風便惟聞五袴謳早晚用兵長閭合近  
傳觀稼亦閒遊須知謝奕依前醉閒阻清談又  
一秋

憶夏口

漢陽渡口蘭爲舟漢陽城下多酒樓當年不得  
盡一醉別夢有時還重遊襟帶可憐吞塞雁風  
煙好是冷江鷗月明更想曾行處吹笛橋邊木  
葉秋

金陵夜泊



冷煙輕雨仿衰叢此夕秦淮駐斷蓬  
栖鳥遠驚沽酒火亂鴉高避落帆風  
地銷望氣波聲急山帶秋陰樹影空  
六代精靈人不見思量應在月明中

繡

一片瀟湘生淥波洞房西室女工勞  
花隨玉指添春色鳥逐金針長羽毛  
蜀錦謾誇聲自貴越綾虛說價偏高  
可中用作鴛鴦被紅葉枝枝不礙刀

夜泊昆陵無錫縣有寄

草蟲幽咽樹初團獨繫孤舟夜已闌  
濁浪勢奔吳苑急疎鐘聲出慧山  
寒愁催鬢髮影何易貧戀家鄉別漸難  
他日親朋應大笑始知書劍是無端

商驛樓東望有感

山川去接漢江東曾伴隨侯醉此中  
歌遶夜梁珠宛轉舞嬌春席雪朦朧  
棠遺善政陰猶在薤送哀聲事已空  
惆悵知音更難得兩行清淚白



楊風

早春送張坤歸大梁

蕭蕭羸馬正塵埃又送歸軒向吹臺別酒莫辭  
 今夜醉故人知是幾時迴泉經華嶽猶應凍花  
 到梁園始合開為謝東門抱關吏不堪惆悵滿  
 離杯

吳東歸途中作

村橘蒼黃覆釣磯早年生計近年違老知風月  
 終堪恨貧覺家山不易歸別岬客帆知岬落遠

程霜葉向人飛買臣嚴助精靈在應笑無成一  
 布衣

送舒州宿松縣傅少府

離江漠漠樹重重東過清淮到宿松縣好也知  
 臨澆水官閒應得看瀟峰春生綠野吳歌怨雪  
 霽平郊楚酒濃留取餘杯待張翰明年歸棹一  
 從容

夏州贈胡常侍

百尺高臺勃勃州大刀長戟漢諸侯征鴻過盡



邊雲濶戰馬閒來塞草秋國計已推肝膽許家  
財不爲子孫謀仍聞隴蜀由多事深喜將軍未  
白頭

題袁溪張逸人所居

蒲梢健健燕差差數里溪光日落時芳樹文君  
機上錦遠山孫壽鏡中睂雞窗夜靜開書卷魚  
檻春深展釣絲若使浮名拘絆得世間何處有  
男兒

憶九華

九華巉崿廕柴扉長憶前時此息機黃菊倚風  
村酒熟綠蒲低雨釣魚歸干戈已是三年別塵  
土那堪萬事違迴首佳期恨多少夜闌霜露又  
霑衣

送丁明府赴紫溪任

金徽玉軫肯躊躇偶滯良途半月餘樓上酒闌  
梅折後馬前山好雪晴初樂公社在憐鄉樹潘  
令花繁賀版輿縣譜莫辭畱舊本異時玄度更  
何如



寄前宣州竇常侍

往年西謁謝玄暉樽酒留歡醉始歸曲檻柳濃  
 鶯未老小園花嫩蝶初飛歎香瑞獸金三尺舞  
 雪佳人玉一圍今日亂離尋不得滿簑風雨釣  
 魚磯

柳

灞岸晴來送別頻相偎相倚不勝春自家飛絮  
 猶無定爭解垂絲絆路人

孟浩然墓

數步荒榛接舊蹊寒江漠漠草萋萋鹿門黃土  
 無多少恰到書生塚便低

東南偶題

鍾陵醉別十餘春重見雲英掌上身我未成名  
 君未嫁可能俱是不如人

羅鄴

隱弟

窮冬太學

投跡依槐館荒庭草合時雪深鳶嘯急薪濕鼎  
 吟遲默坐同誰話非僧不我知在廬瀑布畔何



日副心期

陪鄭誠郎中假日省中寓直

憲廳名最重假日許從容牀蒲諸司印庭高五

粒松井尋芸吏汲茶拚近僧封鳥度簾旌暮猶

吟隔苑鐘

送人宰浦城

東南猶阻寇黎嶺更誰登作宰應無俸歸船必

有僧灘平眠懶石燒斷飲猿藤歲滿功殊最方

當見異能

朱坡

朱坡坡上望不似在秦京漸覺溪山秀更高魚

鳥情夜吟禪子室曉爨獵人鎗恃此偷佳賞九

衢蠋水鳴草

送惠補闕

詔下搜巖野高人入竹林長因抗疏日便作去

官心清俸供僧盡滄洲寄迹深東門有歸路徒

自棄華簪

牡丹



落盡春紅始著花花時北岼事豪奢買栽池館  
恐無地看到子孫能幾家門倚長衢攢繡輓幄  
籠輕日護香霞歌鐘滿座爭歡賞肯信流年鬢  
有華對歲理高人入竹林是因茲歲日與年去

冬夕江上言事

葉落纔悲草又青看看少壯是衰形關中秋雨  
書難到江上春寒酒易醒多少繫心身未達淒  
涼舉目淚堪零幾時抱犢歸山去松下看雲讀  
道經

大德春日宿崇賢里

柳闇榆飛春日深水邊門巷獨來尋舊山共是  
經年別新句相逢竟夕吟枕近禁街聞曉鼓月  
當高竹見棲禽勞歌莫問秋風計恐起江河垂  
釣心

征人

青樓一別戍金微力盡秋來破虜圍錦字莫辭  
連夜織塞邊長是到春歸正憐漢月當空照不  
奈胡沙滿眼飛惟有夢魂南去日故鄉山水路



依稀

鶯

暖辭雲谷背殘陽飛下東風翅已長却笑金籠  
是羈絆豈知瑤草正芬芳曉逢溪雨投紅樹晚  
轉宮樓泣舊粧何處離人不堪聽灞橋斜日裏

垂楊

宿武安山有懷

野店暮來山畔逢寒蕪漠漠露華濃窗間燈在  
犬驚吠溪上月沈人罷春遠別只愁添雪鬢此

生何計隱雲峰離心却羨南飛翼獨過吳江更  
數重

曲江春望

故國東歸澤國遙曲江晴望憶漁樵都緣北關  
春先到不是南山雪易消瑞影玉樓開組繡歡  
聲丹禁奏雲韶雖然未得陪鴛鴦亦醉金觴祝  
帝堯

流水

漾漾悠悠幾派分中搖短艇與鷗羣天街帶雨



唐詩選 唐羅業  
淹芳草玉洞飄花下白雲靜稱一竿持處見急  
宜孤館寤來聞隋家柳畔偏堪恨東入長淮日  
又曛

登丹巴南旅舍言懷

萬浪千巖首未回無慘相倚上高臺家山如畫  
不歸去客舍似讎誰遣來紅淚罷窺連曉燭碧  
波休引向風杯後時若有青雲望何事偏教羽  
翼摧

主帥僕射陂晚望

離人到此倍堪傷陂水蘆花似故鄉身事未知  
何日了馬蹄惟覺到秋忙田園牢落東歸晚道  
路辛勤北去長却羨無愁是沙鳥雙雙相趁下

斜陽

鷓鴣

紅闌碧霽淨煙波錦翅雙飛去又過一種鳥憐  
名字好都緣人恨別離多暖依牛渚汀莎媚夕  
宿龍墀禁漏和相對若教春女見便須携向鳳  
凰窠



春閨

愁坐蘭畦日過遲  
捲簾巢燕美雙飛  
管絃樓上春應在  
楊柳橋邊人未歸  
玉筵豈能留舞態  
金河猶自浣戎衣  
梨花滿院東風急  
惆悵無言倚錦機

水簾

亂泉飛下翠屏中  
色共真珠巧綴同  
一片長垂今與古  
半山還聽水兼風  
雖無舒卷隨人意  
自有潺湲濟物功  
每向暑天來往見  
疑將仙子隔

房櫳

蘆花

如練如霜裊復輕  
西風處處拂江城  
長垂釣叟看不足  
暫泊王孫愁亦生  
好傍翠樓裝月色  
枉隨紅葉舞秋聲  
最宜羣鷺斜陽裏  
閒捕纖鱗傍爾行

長安惜春

千門共惜放春迴  
半鎖樓臺半復開  
公子不能留落日  
南山遮莫倚高臺  
殘紅似怨皇州雨  
細



歷代詩選 唐羅崇  
綠猶藏畫蠟灰畢竟思量何足歎明年時節又  
還來

下第辭春

謾把青春酒一杯愁襟未信酒能開江邊依舊  
空歸去帝里還如不到來門掩殘陽鳴鳥雀花  
飛何處好池臺此時惆悵便堪老何用人間歲  
月催

秋晚

疎星殘月一聲鐘谷際巖隈爽氣濃不向碧臺

驚醉夢但來清鏡促愁容繁金露潔黃籠菊獨  
翠煙凝遠間松閒步幽林與苔迳漸移栖鳥及  
鳴蛩

覽陳丕卷

雪宮詞客燕宮遊一軸煙花象外搜謾把蜀紋  
當晝展徒誇湘碧帶春流吟時致我寒侵骨得  
處疑君白盡頭從北南歸明月夜嶺猿灘鳥更  
悠悠

省試臘後望春宮



皇都初度臘鳳輦出深宮高凭樓臺上遙瞻灞  
 澗中伏凝霜彩白袍映日華紅柳眼方開凍鶯  
 聲漸轉風御溝穿斷靄驪岫照斜空時見宸遊  
 興因觀稼穡功

洛水

一道潺湲濺暖沙年年惆悵是春過莫言行路  
 聽如此流入深宮恨更多

春山山館旅懷

山館吟餘山月斜東風搖曳拂窗花豈知驅馬

無閒日長在他人後到家

早發宜陵即事

霜白山村月落時一聲雞唱又登岐居人猶自  
 掩關在行客已愁驅馬遲

雁

暮天新雁起汀洲紅蓼花開水國愁想得故園  
 今夜月幾人相憶在江樓

螢

水殿清風玉戶開飛光千點去還來無風無月



長門夜偏到階前點綠苔

看花

花開只恐看來遲及到愁如未看時家在楚鄉  
身在蜀一年春色負歸期

芳草

曲江岍上天街裏兩地縱生車馬多不似萋萋  
南浦見晚來煙雨半相和

宮中

芳草長含玉輦塵君王遊幸此中頻今朝別有

承恩處鸚鵡飛來說似人

聞子規

蜀魄千年尚怨誰聲聲啼血向花枝滿山明月  
東風夜正是愁人不寐時

望仙

千金壘上望三山雲鶴無蹤羽衛還若說神仙  
求便得茂陵何事在人間

放鷓鴣

好倚青山與碧溪刺桐毛竹待雙栖花時遷客



傷離別莫向相思樹上啼

驪山

風搖巖桂露聞香  
白鹿驚時出遶墻  
不向驪山鎖宮殿  
可知仙去是明皇

梅花

繁如瑞雪壓枝開  
越嶺吳溪免用栽  
却是五侯家未識  
春風不放過江來

渡江有感

岼落殘紅錦雉飛  
渡江船上夕陽微  
一枝猶負

平生意歸去何曾  
勝不歸

題終南山僧堂

九衢終日見南山  
名利何人肯掩關  
惟有吾師達真理  
坐看雙樹老雲間

嘉陵江

嘉陵南岼雨初收  
江似秋嵐不煞流  
此地終朝有行客  
無人一爲棹扁舟

早行

雨灑江聲風又吹  
扁舟正與睡相宜  
無端戍鼓



催前去別却青山向曉時

秋怨

夢斷南窗啼曉鳥新霜昨夜下庭梧不知簾外  
如珪月還照邊城到曉無

歎別

北來南去幾時休人在光陰似箭流直待江山  
盡無路始應拋得別離愁

長安春雨

兼風颯颯灑皇州能滯輕寒與勝遊半夜五侯

池館裏美人驚起爲花愁

吳王古宮井

古宮荒井曾平後見說耕人又鑿開拾得玉釵  
鐫勅字當時恩澤賜誰來

江帆

別離不獨恨蹄輪渡口風帆發更頻何處青樓  
方凭檻半江斜日認歸人

爲人感贈

歌舞從來最得名如今老寄洛陽城當時醉送



龍驤曲留與誰家唱月明

春江恨別

望斷長川一葉舟  
可堪歸路更沿流  
重來別處無人見  
芳草斜陽滿渡頭

公子行

金鞍玉勒照花明  
過後春風特地生  
半醉五侯門裏出  
月高猶在禁街行

春日偶題城南韋曲

韋曲城南錦繡堆  
千金不惜買花栽  
誰知豪貴

多羈束落盡春紅不見來

華清宮

殿角鐘殘立宿娃  
朝元歸駕望無涯  
香泉空浸宮前草  
未到春時爭發花

曹松

字夢徵  
衡陽人

長安春日

浩浩看花晨六街  
揚遠塵塵中一丈日  
誰是晏眠人  
御柳舞着水野鶯啼破春  
徒云多失意猶自惜離情



慈恩寺貽楚霄上人

在秦生楚思澹浪接禪關塔礙高林鳥窗開白  
日山樹陰移草上岼色透庭間入內談經徹空  
携講疏還

曹南遊

直到南箕下方諳漲海頭君恩過銅柱戎節限  
交州犀占花陰卧波衝瘴色流遠夷非不樂自  
是北人愁

答庄山僧贈柳栗杖

栗杖出庄頂百中無一枝雖因野僧得猶畏嶽  
神知畫月冷光在指雲秋片移宜留引蹇步他  
日訪峨眉

商山夜聞泉

瀉月聲不斷坐來心益閒無人知落處萬木冷  
空山遠憶雲容外幽疑石縫間那辭通曙聽明  
日度藍關

晨起

曉色教不睡卷簾清氣中林殘數枝月髮冷一



歷代詩選 唐曹松  
流風金鳥合鐘語歛河隔霧空莫疑營白日道  
路本無窮

山中寒夜呈許棠

山寒草堂暖寂夜有良朋讀易分高燭煎茶取  
拆冰庭垂河半角窗露月微稜俱入詩人地爭  
無俗者憎

鍾陵野步

岡扉聊自啓信步出波邊野火風吹澗春冰鶴  
啄穿渚檣齊驛樹山鳥入公田未創孤雲勢空

思白閣年

觀山寺僧穿井

雲僧鑿山井寒碧在中庭况是分巖液同來下  
石瓶旁痕終變蘚圓影卽澄星異夜天龍蟄應  
聞說葉經

慈恩東樓

寺樓涼出竹非與曲江賒野火流穿苑秦山疊  
入巴風柵離衆葉听角積虛沙此地鐘聲近令  
人思未涯



古塚

代遠已難問，纍纍次古城。  
民田侵不盡，客路踏還平。  
作穴蛇分蟄，依岡鹿遶行。  
惟應風雨夕，鬼火出林明。

訪山友

一逕通高屋，重雲翳兩原。  
山寒初宿頂，泉落未知根。  
急雨洗荒壁，驚風開半門。  
聽君吟廢夜，苦却建溪猿。

秋日送方干遊上元

天高淮泗白，之子趣脩程。  
汲水疑山動，揚帆覺岫行。  
雲離京口樹，雁入石頭城。  
後夜分遙念，諸峰霜露生。

送左協律京西從事

辟書來幾日，遂喜就嘉招。  
猶向風沙淺，非于甸服遙。  
時平無探騎，秋靜見盤鵬。  
若遣關中使，煩君問寂寥。

山中

此地似商嶺，雲霞空往還。  
衰條難定鳥，缺月易



依山野色耕不盡溪容釣自閒分因多卧退百  
計少相關

寄崇聖寺僧

不醉長安酒冥心只似師望山吟過日伴鶴立  
多時溝遠流聲細林寒綠色遲菴西蘿月夕重  
約語空期

金陵道中寄友

忍苦待知音無時省廢吟始爲分路客莫問別  
家心嶠翠藏幽瀑枝風下曉禽憶君秋欲盡馬

上秣陵砧

九江暮春

楊柳城初鍊輪蹄息去蹤春流無舊岬夜色失  
諸峰影動漁邊火聲遲話後鐘明朝廻去岬誰  
向北郊逢

贈衡山麋明府

爲縣瀟湘水門前樹有苔晚吟公籍少春醉積  
林開滌硯松香起擎茶岳影來任官當此境更  
莫夢天台



塞上

邊塞來所濶今日復明朝河凌堅通馬胡雲缺  
見鵬砂中程獨泣鄉外隱誰招迴首若經歲靈  
州生柳條

邊上送友人歸寧

鄉路穿京過寧心去少同日斜尋濶磧春盡逐  
歸鴻獨樹河聲外凝笳塞色中憐君到此處却  
背老萊風

題甘露寺

香門接巨壘畫角間清鐘北固一何峭西僧多  
未逢天垂無際海雲白久晴峰旦暮然燈外濤  
頭振螯龍

貽住山僧

罷講巡巖塢無窮得野情膈高猶伴鹿夏滿不  
歸城雲朶綠崖發峰陰截水清何須仍洗耳惟  
看白毫生

吊賈島

先生問九原謫去爲何冤已葬離燕骨難招入



盛代詩選 唐曹松  
三  
劍魂旅墳低却草穉子哭勝猿冥冥如搜句宜  
邀賀監論

青白憶江西并悼亡友

前程奈兵阻悔作豫章分芳草未歸日故人多  
列墳帆行出岫雨馬踐過江雲此地一樽酒當  
時應論文

興悲石頭懷古

日月出又沒臺城空白雲雖寬百姓土漸缺六  
朝墳禾黍是亡國山河歸聖君松聲驟雨足幾

寺晚鐘聞

贈餘干袁明府

一雨西成邑陶家心自清山銜中郭分雲卷下  
湖程公署聞流水人煙入廢城難忘楚盡處新  
有越吟生

岳陽晚泊

輕帆下闕流便泊此沙洲湖水撼山影夕陽燒  
野愁白波爭起處青嶼或沈浮是際船中望東  
南幾仞秋



南海旅次

憶歸休上越王臺歸思臨高不易裁為客正當  
無雁處故園誰道有書來城頭早角吹霜盡郭  
裏殘潮蕩月迴心似百花閒未得年年爭向被  
春催

陪湖南李中丞宴隱溪

竹林啼鳥不知秋羅列飛橋水亂流迸散柳絲  
回玉勒約開蓮葉上蘭舟酒邊舊侶真何遜雲  
裏新聲是莫愁若魚主人嫌晝短應陪秉燭夜

深遊

別湖上主人

門繫釣舟雲滿津借君幽致坐移旬湖村夜叫  
白蕪雁菱市曉喧深浦人遠水日邊重作雪寒  
林曉際別生春不辭更任醒還醉太乙東峰歸  
夢頻

崇義里言懷

馬蹄京洛岐復此少閒時老積滄洲夢秋乘白  
閣期



僧院松

此木韻彌全  
秋宵學瑟絃  
空知百餘尺  
未定幾年  
多年

滕王閣春日晚望

凌春帝子閣  
鶻眺日移西  
浪勢平花塢  
帆陰上柳堤

春草

不獨滿池塘  
夢中佳句香  
春風有餘力  
引上古城墻

金谷園

當年歌舞時  
不說草離離  
今朝歌舞盡  
滿園秋露垂

鍾陵寒食日郊外閒遊

可憐時節足  
風情杏子羨  
香似冷飴無  
奈春風輸舊火  
徧教人喚作山櫻

己亥歲

澤國江山入  
戰圖生民何  
計樂樵蕪憑  
君莫話封侯事  
一將功成萬骨枯



石倉十二代詩選

唐卷之七十六 終

月夜

命書人臨外人與書山題

可辨執前或風韻香子送香川今無奈春風

金谷園

當年短髮神不識

金谷園

石倉十二代詩選

唐卷之七十七

晚唐 十七

明候官曹學佺閱

半鄭谷 字守愚 宜春人

京兆府試殘月如新月 外夜銷身公去

榮落何相似初終却一般 猶疑和夕照誰信墮

朝寒水木輝華別詩家比象難 佳人應誤拜栖

鳥友求安屈指期 輪滿何心謂影殘 庾樓清賞

處吟徹曙鐘看 蕭春吳水樹 外夜銷身公去

漸地送進士盧啓東歸 謝燕平野去 大失意



歷代詩選 唐詩卷  
灞听草萋萋離觴我獨携流年俱老大失意又  
東西曉楚山雲滿春吳水樹低到家梅雨歇猶  
有子規啼  
贈圓昉公  
天階讓紫衣冷格鶴猶卑道勝嫌名出身閒覺  
老遲晚香延宿火寒磬度高枝好說長松寺他  
年與我期

寄題方干處士

山雪照湖水漾舟湖畔歸松篁調遠籟臺榭發

清輝野岫分開逕漁家並掩扉暮年詩力在析  
句更幽微

久不得張喬消息

天末去程孤沿淮復向吳亂離何處甚安穩到  
家無樹盡雲垂野檣稀月滿湖傷心遶村落應  
少舊耕夫

題進士王駕郊居

前山微有雨永巷淨無塵牛卧籬陰晚鳩鳴村  
意春時浮應寡合道在不嫌貧後徑臨陂水菰



蒲是切隣

送進士許柳

泗上未休兵壺關事可驚  
流年催我老遠道念  
君行殘雪臨晴水寒梅  
發故城何當食新稻歲  
稔又時平  
天末題莊嚴寺休公院  
秋深庭色好紅葉間青  
松病客殊無着吾師甚  
見容疎鐘和細溜高塔  
等遙峰未省求名侶頻  
于此地逢

潼關道中

白道曉霜迷籬燈照馬嘶  
秋風滿關樹殘月隔  
河雞來往非無倦窮通  
豈易齊何年歸故社披  
雨剪春畦

長安夜坐懷寄湖外嵇處士

萬里念江海浩然天地秋  
風高羣木落夜久數  
星流鐘絕分宮漏螢微  
隔御溝遙思洞庭上葦  
露滴漁舟

送人之九江謁郡侯苗員外



澤國尋知己南浮不偶遊  
湓城分楚塞廬岳對江州  
曉飯臨孤嶼春帆入亂流  
雙旌相望處月白庾公樓

張谷田舍

縣官清且儉深谷有人家  
一逕入寒竹小橋穿野花  
碓喧春澗滿梯倚綠桑斜  
自說年來稔前村酒可賒

寄南浦謫官

多才翻得罪天末抱窮憂  
白首爲遷客青山遶

萬州醉欹梅障晚歌厭竹枝  
秋望闕懷鄉淚荆江水共流

李夷遇侍御久滯水鄉因抒寄懷

簪豸年何久懸帆興甚長  
江流愛吳越詩格邁齊梁  
竹寺晴吟遠蘭舟晚泊香  
高閒徒自任華省侍爲郎

送許棠先輩之官涇縣

白頭新作尉縣在古山中  
高第能卑宦前賢尚此風  
蕪湖春蕩漾梅雨晝溟濛  
佐理人安後篇



章莫廢功

贈別

南遊曾共遊相別倍相留行色迴燈曉離聲滿  
竹秋穩眠彭蠡浪好醉岳陽樓明日逢佳景爲  
君成白頭

峨嵋山

萬仞白雲端經春雪未殘夏消江峽滿晴照蜀  
樓寒造境知僧熟歸林認鶴難會須朝闕去祇  
有畫圖看

旅寓落南村舍

村落清明近鞦韆穉女誇春陰妨柳絮月黑兒  
梨花白鳥窺魚網青帘認酒家幽栖雖自適交  
友在京華

搖落

夜來搖落悲桑棗半空枝故國無消息流年有  
亂離霜秦聞雁早煙澗認帆遲日暮寒輦急邊  
軍在雍岐

郊野



歷代詩選 卷七十七  
三  
蓼米菊籬邊新晴有亂蟬秋光終寂莫晚醉自  
留連野燠禾中露村閒社後天題詩滿紅葉何  
必浣花牋

長安感興

徒勞悲喪亂自苦戒繁華落日狐兔逕近年公  
相家可悲聞玉笛不覓走香車寂莫墻在裏春  
陰挫杏花

哭進士李洞

自聞東蜀病惟我獨關情若逸長江死想君勝

在生瘴蒸丹旆濕燈隔素帷清塚樹僧栽後新

蟬一兩聲

鷓鴣

暖戲煙蕪錦翼齊品流應得近山鷄雨昏青草  
湖邊過花落黃陵廟裏啼遊子乍聞征袖濕佳  
人纔唱翠睂低相呼相應湘江濶苦竹叢深春

日西

少華甘露寺

石門蘿逕與天隣雨檜風篁遠近聞飲澗鹿喧



歷代詩選 卷之七  
雙派水上樓僧踏一梯雲孤煙薄暮關城沒遠  
色初晴渭曲分長欲然香來此宿北林猿鶴舊  
同羣

遊蜀

所向明知是暗投兩行清淚語前流雲橫新塞  
遮秦甸花落空山入閬州不分黃鸝驚曉夢惟  
應杜宇信春愁梅黃麥綠無歸處可得漂漂愛  
浪遊

慈恩寺偶題

往事悠悠添浩歎勞生擾擾竟何能故山歲晚  
不歸去高塔晴來獨自登林下聽經秋苑鹿江  
邊掃葉夕陽僧吟餘却起雙峰念曾看庵西瀑  
布冰

獻制誥楊舍人

爲郡東吳祗飲冰瑣闥須降鳳書徵隨行已有  
朱衣吏伴直多招紫閣僧窗下調琴鳴遠水簾  
前睡鶴背秋燈葦陂竹塢情無限閒話毗陵問  
杜陵



漂泊

槿墜蓬疎池館清日光風緒澹無情鱸魚研膾  
輸張翰橘樹呼奴羨李衡十口漂零猶寄食兩  
鬢凋東未休兵黃花催促重陽酒何處登高望

二京

漾陂

昔事東流共不迴春深獨向漾陂來亂前別業  
依稀在雨裏梨花寂莫開却展漁絲無野艇舊  
題詩句沒蒼苔潏然四顧難消遣祇有佯狂泥

酒杯

蠟燭

仙漏遲遲出建章宮簾不動透清光金闈露白  
新裁詔畫閣春紅正試妝淚滴盃盤何所恨燼  
飄蘭麝暗和香多情更有分明處照得歌塵下  
燕梁

次韻和秀上人長安寺居言懷寄渚宮禪

者

舊齋松老別多年香社人稀喪亂間出寺祇知



歷代詩選 卷之八  
趨內殿閉門長似在深山卧聽秦樹秋鐘斷吟  
想荆江夕鳥還惟恐興來飛錫去老郎無路更  
追攀

蜀中二首

馬頭春向鹿頭關遠樹平蕪一望閒雪下文君  
沾酒市雲藏李白讀書山江樓客恨黃梅後村  
落人歌紫芋間堤月橋燈好時景漢庭無事不  
征蠻

夜多無雨曉生塵草色嵐光日日新蒙頂茶畦  
千點露浣花殘紙一溪春揚雄宅在惟喬木杜  
甫臺荒絕舊隣却共海棠花有約數年留滯不  
歸人

渚宮亂後作

鄉人來說亂離情淚滴殘陽問楚荆白社已應  
無故老清江依舊遶空城高秋軍旅齊山樹昔  
日漁家是野營牢落故居灰燼後黃花紫蔓上  
墻生

九日偶懷寄左省張起居



歷代詩選 卷七十七  
令節爭歡我獨閒荒臺盡日向晴山渾無酒泛  
金英菊謾道官趨玉笋班深愧青莎迎野步不  
堪紅葉照衰顏美君官重多吟興醉帶南陂落  
照還

擢第後入蜀經羅利路見海棠盛開偶有

題詠

上國休誇紅杏艷深溪自照綠苔磯一枝低帶  
流鶯睡數片狂和舞蝶飛堪恨路長移不得可  
無人與畫將歸手中已有新春桂多謝煙香更

入衣

次韻和禮部盧侍郎江上秋夕寓懷

盧郎到處覺風生蜀郡留連亞相情亂後江山  
悲庾信夜來煙月屬袁宏夢歸蘭省寒星動吟  
向莎洲宿鷺鷺未脫白衣頭半白叨陪屬和倍  
爲榮

寄獻湖州從叔員外

顧渚山邊郡溪將罨畫通遠看城郭裏全在水  
雲中西閣歸何晚東吳興未窮茶香紫笋露洲



歷代詩選 卷之八  
迴白蘋風歌緩睂低翠杯明蠟剪紅政成尋往  
事輟棹問漁翁

西蜀淨衆寺松溪八韻兼寄小筆崔處士  
松因溪得名溪吹答松聲繚繞能穿寺幽奇不  
在城寒煙齋後散春雨夜中平梁岬蒼苔古翹  
沙白鳥明澄分僧影瘦光徹客心清帶梵侵雲  
響和鐘擊石鳴淡烹新茗爽暖泛落花輕此景  
吟難盡憑君畫入京

雪中偶題

亂飄僧舍茶煙濕密灑高樓酒力微江上晚來  
堪畫處漁人披得一蓑歸

淮上漁者

白頭波上白頭翁家逐船移浦浦風一尺鱸魚  
新釣得兒孫吹火荻花中

興州江館

向蜀還秦計未成寒蛩一夜遶牀鳴愁眠不穩  
孤燈盡坐聽嘉陵江水聲

淮上與友人別



歷代詩選 唐詩卷  
楊子江頭楊柳春楊花愁殺渡江人數聲風笛  
離亭晚君向瀟湘我向秦

貧女吟

塵壓鴛鴦廢錦機滿頭空插麗春枝東隣舞妓  
多金翠笑剪燈花學畫眉

贈日東鑒禪師

故國心無渡海潮老禪方丈倚中條夜深雨絕  
松堂靜一點山螢照寂寥

再經南陽

平蕪漠漠失樓臺昔日遊人亂後來寥落墻在  
春欲暮燒殘官樹有花開

別脩覺寺無本上人

松上閒雲石上苔自嫌歸去夕陽催山門握手  
無他語祇約今冬看雪來

席上貽歌者

花月樓臺近九衢清歌一曲倒金壺座中亦有  
江南客莫向春風唱鷓鴣

定水寺行香



歷代詩選 唐詩卷  
聽經看畫遶虛廊風拂金鑪待賜香丞相未來  
春雪密暫偷閒卧老僧牀

街西晚歸

御溝春水遶閒坊信馬歸來傍短墻幽榭名園  
臨紫陌晚風時帶牡丹香

下峽

憶子啼猿繞樹哀雨隨孤棹過陽臺波頭未白  
人頭白瞥見春風灑瀨堆  
和知己秋日傷懷

流水歌聲共不迴去年天氣舊亭臺梁塵寂莫  
燕歸去黃蜀葵花一朵開

李洞 字才江  
京兆人

贈唐山人

垂鬚長似髮席帽見皆疑醉眼青天小吟情太  
華低千年松遶屋半夜雨連溪邛蜀路無限携  
琴獨往時

鄭輔闕山居

高節諫垣客白雲居靜坊馬飢餐落葉鶴病曬



歷代詩選 唐李嗣  
殘陽野霽昏朝燭溪牋惹御香相招荷蒲壁論  
句夜何長

送沈光赴福幕

泉齊嶺鳥飛雨熱荔枝肥南斗看應近北人來  
恐稀潮浮廉使宴珠照島僧歸幕下逢遷拜何  
官着茜衣

李賦得送賈島謫長江

敲驢吟雪月謫出國西門行傍長江影愁深汨  
水魂筇携過竹寺琴典在花村飢拾山松食誰

知賈傅孫

送安撫從口夷偶中丞

奉詔向軍前朱袍映雪鮮河橋吹角凍岳月卷  
旗圓僧救焚經火人修着釣船六州安撫後萬  
戶解衣眠

維摩暢林居

諸方遊幾臘五夏五峰銷越講迎騎象蕃齋懺  
射鵬冷筇和雪倚朽櫟帶雲燒從此西林老瞥  
然三萬朝



送張喬下第歸宣州

詩道世難容歸舟楚浪重早看殘岳月夜泊隔  
淮鐘一鏡隨雙鬢全家老半峰無成來往過折  
盡謝亭松

古柏

手植知何代年齊偃蓋松結根生別樹吹子落  
隣峰古幹經龍嗅高煙落雁衝可佳繁葉盡聲  
不礙秋鐘

吊草堂禪師

杖屨疑師在房關四壁蛩貯餅經臘水響塔隔  
山鐘乳鶴泐苔井齋猿散雪峰如何不相接倚  
偏寺前松

蕃寇侵逼南歸道中

雲陽三萬騎南赴疾飛鷹迴磧星低戍孤城月  
伴僧叩關通漢節傾府守河水無處論邊事歸  
溪夜結層

送東宮賈正字之蜀

南朝獻晉史東蜀瞰巴樓長棧懷宮樹疎峰露



歷代詩選 唐李淵  
劍州半空飛雪化 一道白雲流若次江邊 邑宗  
詩爲徧搜

題薛少府莊

何須鑿井飲門占古溪居寂莫苔牀卧寒光玉  
柄書有期登白閣仍得賞紅蕖清淺蒲根水時  
看啄鷺魚

題劉相公光德里新構茅亭

野色迷亭曉龍墀待押班帶涎移海木兼雪寫  
湖山月白吟牀冷河清直印閒唐封三萬里人

偃翠微間

越公上人洛中歸寄南孟家兄弟

洛下因歸去關西憶二龍笠漫河岍雪衣着纛  
城鐘睡鴨浮寒水樵人出遠峰何當化問俗護  
取草堂松

送盧少府之任鞏洛

從知東甸尉銓注似恩除帶土移嵩木和泉送  
尹魚印牀閑鷺宿壁記醉僧書堂下諸昆在無  
妨候起居



送知己

郡清官舍冷枕席  
澗山泉藥氣來人外  
燈光到鶴邊  
夢秦書印斗思越  
畫漁船擲笏南歸去  
波濤路幾千

送行脚僧

瓶枕信腰垂出門何所之  
毳衣霑雨重椽筮看山歛  
夜觀入栢樹野眠逢斷碑  
隣房毋淚下相課別離詞

題雲際寺

開門風雪頂上徹  
困飛禽猿戲青冥裏  
人行紫閣陰  
臘泉冰下出夜磬  
月中尋盡欲居巖  
室如何不住心

送雲卿上人遊安南

春往海南邊  
秋聞半夜蟬  
鯨吞洗鉢水  
犀觸點燈船  
島嶼分諸國  
星河共一天  
長安却回日  
松偃舊房前

送人歸覲河中

青門塚前別  
道路武關西  
有寺雲連石  
無僧葉



歷代詩選 卷七十七  
蒲谿河長隨鳥盡山遠與人齊  
覲省波濤縣寒窗響曙雞

錦城秋寄懷弘播上人

極頂雲兼凍孤城露洗初  
共辭嵩少雪久絕貝多書  
遠照雁行細寒條狄挂虛  
分泉煎月色憶就茗林居

賈島墓

一第人皆得先生豈不銷  
位卑終蜀士詩絕占唐朝  
旅葬新墳小魂歸故國遙  
我來因奠灑立

石用爲標

贈曹郎中崇賢所居

閑坊宅枕穿宮水聽水分  
衾蓋蜀繒藥杵聲中搗  
殘夢茶鐺影裏煮孤燈  
刑曹樹蔭千年井華岳樓  
開萬仞冰詩句變風宮漸  
緊夜濤春斷海邊藤

上司空員外

禪心高卧似疎慵  
詩客經過不厭重  
藤杖幾携量磧雪  
玉鞭曾把數嵩峰  
夜眠古巷當城月  
秋



歷代詩選 唐李淵  
直清曹入省鐘禹鑿故山歸未得河聲閣老兩  
三松

春日隱居官舍感

風吹燒燼雜汀沙還似青溪舊寄家入戶竹生  
牀下葉隔窗蓮謝鏡中花苔房毳客論三學雪  
嶺巢禽看兩衙銷得人間無限事江亭月白誦  
南華

華山

碧山長凍地長秋日夕泉源聒華州萬戶煙侵  
關令宅四時雲在使君樓風驅雷電臨河震鶴  
引神仙出月遊峰頂高眠靈藥熟自無霜雪入  
人頭

病猿

瘦纏金鎖惹朱樓一別巫山樹幾秋寒想蜀門  
清露滴暖懷湘岫白雲流罷拋簷果沈僧井休  
柳崖冰濺客舟啼過三聲應有恨畫堂深不徹  
王侯

東川高僕射



油幢影裏拜清風十里貔貅一片雄三印鎖開  
霜滿地四門關定月當空泉浮山葉人家過詔  
惹爐香鳥道通新起畫樓携客上絃歌筵近石  
榴紅

送韋太尉自明維除廣陵

全蜀拜揚州征東輟武侯直來萬里月匆到五  
峰秋幢玲遮高雪旗閒卓亂流謝朝明主喜登  
省舊官愁隔海城通舶連河市響樓千官倚元  
老虛夢法雲遊

贈僧

不管王公與貴人惟將雲鶴自相親閒來石上  
觀流水欲洗禪衣未有塵

懷圭峰影林泉

吾家舊物賈生傳入內遙分錫杖泉鶴去帝移  
宮女散更堪嗚咽過樓前

繡嶺宮詞

春日遲遲春草綠野棠開盡飄香玉繡嶺宮前  
鶴髮翁猶唱開元太平曲



張蟾

字象文  
清河人

送縉雲尉

釋褐從仙尉之官與若何去程惟水石公署在  
雲蘿野岸樓中迥晴峰案上多三年罷趨府應  
更戰高科

送友人歸武陵

聞近桃源住無村不是花戍旗招海客廟鼓集  
江鴉別島垂橙實閒田長荻芽遊秦未得意看  
即更離家

逢漳州崔使君北歸

在郡多殊稱無人不望回離城携客去度嶺擔  
猿來障寫經冬藥瓶緘落暑梅長安有敝宅歸  
見鎖青苔

次韻和友人冬日書齋

四季多花木窮冬亦不凋薄冰行處斷殘火睡  
來消象版簋書帙蠻藤絡酒瓢公卿有知己時  
得一相招

贈別山友



從容無限意不獨爲離羣  
年長驚黃蝶時清厭  
白雲舊山迴馬見寒瀑  
別家聞相與存吾道窮  
通各自分

宿山驛

驛在千峰裏寒宵獨此身  
古墳時見火荒里悄  
無隣月白翻驚鳥雲閒  
欲就人祇應明日鬢更  
與老相親

薊北書事

度磧如經海茫然但見空  
戍樓承落日沙塞擬

驚蓬暑過燕僧出時平虜  
客通逢人皆上將惟  
有定邊功

送友人赴天台

九陌除書出尋僧問海城  
家從中路挈吏隔數  
州迎夜蚌侵燈影春禽雜  
櫓聲開圖見異跡思  
上石橋行

和崔監丞春遊鄭僕射東園

春興隨花盡東園自養閒  
不離三畝地似入萬  
重山白鳥穿蘿去清泉抵  
石還豈同秦代客無



位隱商山

叢葦

叢叢寒水邊曾折打魚船忽與亭臺近翻嫌島嶼偏花明無月夜聲急正秋天遙憶巴陵渡殘陽一望煙

途次績溪先寄陳明府

入境風煙好幽人不易傳新居多是客舊隱半成仙山斷雲衝騎溪長柳拂船何當許過縣聞有篋中篇

弔孟浩然

每每樵家說孤墳亦夜吟若重生此世應更苦前心名與襄陽遠詩同漢水深親栽鹿門樹猶葢石牀陰

邊遊別友人

欲別不止淚當杯難強歌家貧隨日長身病涉寒多雨雪迷燕路田園隔楚波良時未自致歸去欲如何

宴駙馬宅



牙香禁樂鎮相携日日君恩降紫泥紅藥院深  
人半醉綠楊門掩馬頻嘶座中古物多仙意壁  
上新詩有御題別向庭蕪寘吟石不教宮妓踏  
成蹊

邊情

窮荒始得靜天驕又說天兵擬度遼聖王尚嫌  
蕃界近將軍莫恨漢庭遙草枯雪野春難發冰  
結河源夏半銷惆悵臨戎皆効國豈無人似霍  
嫖姚

別鄭仁表

春雷醉別鏡湖邊官顯才狂正少年紅燭滿汀  
歌舞散美人迎上木蘭船

龜山寺晚望

四面湖光絕路岐鷓鴣飛起暮鐘時漁舟不用  
懸帆蓆歸去乘風插柳枝

叙懷

月裏路從何處上江邊身合幾時歸十年九陌  
寒風夜夢掃蘆花絮客衣



題嘉陵驛

嘉陵路惡石和泥行到長亭日已西獨倚闌干  
正惆悵海棠花裏鷓鴣啼

李建勳 隴西人

白雁

東溪一白雁毛羽何皎潔薄暮浴清波斜陽共  
明滅差池失羣久幽獨依人側旅食賴菰蒲單  
栖怯霜雪邊風昨夜起顧影空哀咽不及牆上  
烏相將繞雙闕

早春寄懷

家山歸未得又是看春過老覺光陰速閒悲世  
路多風和吹坼柳雪盡見庭莎欲向東溪醉狂  
眠一放歌

春中病

纔得歸閒去還教病卧頻無由全勝意終是負  
青春綠柳漸拂地黃鶯如喚人方爲醫者勸斷  
酒已經旬

毆妓



自為專房甚匆匆有所傷當時心已悔徹夜手  
猶香恨枕堆雲髻啼襟搵月黃起來猶忍惡剪  
破繡鴛鴦

踏青樽前

期君速行樂不要旋還家永日雖無雨東風自  
落花詩毫粘酒淡歌袖向人斜薄暮忘歸路垂  
楊噪亂鴉

正月晦日

莫倦尋春去都無百日遊更堪正月過已是一

分休泉暖聲纔出雲寒勢未收晚來重作雪翻  
為杏花愁

柳花寄友人

每愛江城裏青春向盡時一廻新雨歇是處好  
風吹破石粘蟲領高樓撲酒旗遙知陶令宅五  
樹正離披

夏日酬祥松二公見訪

多謝空門客時時出草堂從容非有約淡薄不  
相忘池映春篁老簷垂夏果香西峰正清霽白



與拂吟牀

溪齋

水木遶吾廬  
寒簾晚檻虛  
衰條寒露鵲  
幽果落  
驚魚愛酒貧  
還甚趨時老  
更疎乖慵自有素  
不  
是忽簪裾

小園

小園吾所好  
栽植忘勞形  
晚果經秋赤  
寒蔬近  
社青竹蘿荒  
引蔓土井淺  
生萍更欲從  
人勸憑  
高置草亭

宿山房

石窗燈欲盡  
松檻月還明  
就枕渾無睡  
披衣却  
出行巖高泉  
亂滴林動鳥  
時驚倏忽山  
鐘曙喧  
喧僕馬聲

送王郎中之官吉水

南望廬陵郡  
山連五嶺長  
吾君憐遠俗  
從事輟  
名郎移戶多  
無土春蠶不  
滿筐惟應勞  
贊畫溪  
峒况彊梁

感故府



惓惓復惓惓思君安可及永日在堦前披衣隨  
風立高樓暮角斷遠樹寒鴉集惆悵幾行書遺  
蹤墨猶濕

細雨遙懷故人

江雲未散東風暖溟濛正在高樓見細柳綠堤  
少過人平蕪隔水時飛燕我有近詩誰與和憶  
君狂醉愁難破昨夜南窗不得眠聞堦點滴迎  
燈坐

春水

萬派爭流雨過時晚來春靜更逶迤輕鷗散遶  
夫差國遠樹微分夏禹祠青岬漸平濡柳葉舊  
溪應暖負蓴絲風鬟倚檝誰家子愁看鴛鴦望  
所之

鍾山寺避暑勉二三子

樓臺雖小景何深蒲地青苔勝布金松影晚留  
僧共坐水聲閒與客同尋清涼會擬歸蓮社沈  
洄終須弃竹林長愛寄吟經案上石窗秋霽向  
千岑



題魏壇

一尋遺跡到仙鄉  
雲鶴沈沈思渺茫  
丹井歲深生草木  
芝田春廢卧牛羊  
雨淋殘畫摧荒壁  
鼠引飢蛇落壞樑  
薄暮欲歸仍佇立  
菖蒲風起水泱泱

落花

落花無計奈花殘  
獨遶芳叢不忍看  
暖艷動隨鶯翅落  
冷香愁雜燕泥乾  
綠珠倚檻魂初散  
巫峽歸雲夢又闌  
忍把一樽重命樂  
送春招客亦何歡

何歡

寺居陸處士相訪感懷却寄二三友人

湘寺閒居亦半年  
昨宵無語好潸然  
人歸遠岫疎鐘後  
雪打高杉古屋前  
投足正逢他國亂  
冥心未解祖師禪  
爐煙回冷孤燈下  
惟有寒吟到曙天

登昇元閣

登高始覺太虛寬  
白雪須知唱和難  
雲渡瑣窗金牖濕  
月移珠箔水精寒  
九天星象簾前見  
六



代城池直下觀惟有上層人未到金烏飛過拂  
闌干

宮詞

自遠凝旒守上陽舞衣頓減舊朝香簾垂粉閣  
春將盡門掩梨花日漸長草色深濃封輦路水  
聲低咽轉宮墻君王一去不迴駕皓齒青蛾空  
斷腸

歲暮晚泊望廬山不見因懷岳僧呈察判  
貪程只爲看廬阜及到停舟恨頗濃雲闈半空

藏萬仞雪迷雙瀑在中峰林端莫辨曾遊路鳥  
際微聞向暮鐘長愧昔年招我入共尋香社見  
芙蓉

春詞

日高閒步下堂階細草春莎沒繡鞋折得玫瑰  
花一朶憑君簪向鳳凰釵

獨夜吟

佳人一去無消息夢覺香殘愁復入空庭悄悄  
月如霜獨倚闌干伴花立



竹

瓊節高吹宿鳳枝風流交我立忘歸最憐瑟瑟  
斜陽下花影相和滿客衣

清明日

他皆携酒尋芳去我獨關門好靜眠惟有楊花  
似相覓因風時復到牀前

宮詞

宮門長閉舞衣閒略識君王鬢便瑳却羨落花  
春不管御溝流得到人間 唐卷之七十七 終

石倉十二代詩選

唐卷之七十八

晚唐

十九

明候官曹學佺閱

李咸用

仕至推官  
有抄沙集

關山月

離離天際雲皎皎關山月羌笛一聲來白盡征  
人髮嘹唳孤鴻高蕭索悲風發雪壓塞塵清鵬  
落沙場闊何當胡無人荷戈朝鳳闕

雞鳴曲

海樹相扶烏影翹戴紅拍翠聲嚶嚶鴛瓦凍危



金距趨誇紅鬪氣爭相高漏殘雨急風蕭蕭患  
亂忠臣欺寶刀霜濃月薄星昭昭太平才子能  
歌謠山翁夢斷出衡茅谷口霧中飢虎號離人  
枕上心忉忉

江南曲

江南四月薰風低江南女兒芳步齊晚雲接水  
其渺瀰遠沙疊草空萋萋白苧不堪論古意數  
花猶可醉前溪孤舟有客歸未得鄉夢欲成山  
鳥啼

煌煌京洛行

長安近甸巡遊徧洛陽尋有黃龍見千乘萬騎  
如雷轉差差清蹕祥煌卷百司舊分當王殿太  
平官屬無遺彥歌鐘沸激香塵散晨旗隱隱羅  
軒冕周公舊跡生紅蘚灑澗波光春照晚但聽  
嵩山萬歲聲將軍旗鼓何時偃

緋桃花歌

上帝春官思麗絕天桃變態來新悅便是花中  
傾國容牡丹露泣長門月野樹滴殘龍戰血曦



歷代詩選 唐李嗣真  
車碾下朝霞  
屈惆悵  
東風未解狂  
爭教比物芳  
草歇

塘上行

橫塘日澹秋雲隔  
浪織輕颿羅幕幕  
紅綃撇水蕩舟人  
畫樓摻摻柔莢白  
鯉魚虛擲無消息  
花老蓮疎愁未摘  
却把金釵打綠荷  
懊惱露珠穿不得

長歌行

要衣須破束  
欲灸須解牛  
當年不快意  
徒爲他

人留百歲之約  
何悠悠  
華髮星星稀  
滿頭蛾眉  
螭首聊我仇  
圓紅闕白  
令人愁  
何不夕引清奏  
朝翠樓逢花  
便折遇勝遊  
鼓腕騰焜晴  
雷收舞霽困  
裊垂楊柔  
象筋擊碎歌  
勿休玉山未倒  
非風流眼前有  
物俱是夢  
莫將身作黃金  
儺

遠公亭牡丹

雁門禪客吟春  
亭牡丹獨逞花  
中英雙成膩  
臉偎雲屏百般  
姿態因風生  
延年不敢歌  
傾城朝雲暮雨  
愁娉婷藻繁  
蟻脚粘不行  
甜迷蜂醉飛



無聲廬山根脚含精靈發妍吐秀叢君庭湓江  
太守多閒情闌朱遶絳留輕盈潺潺綠醴當風  
傾平頭奴子啾銀笙紅葩艷艷交童星左文右  
武憐君榮白銅鞮上慚清明

秋夕

寥廓秋雲薄空庭月影微樹寒棲鳥密砌冷夜  
蛩稀曉角軍容肅疎鐘客夢歸吟餘何所憶聖  
主尚宵衣

邊城聽角

戍樓鳴畫角寒露滴金槍細引雲成陣高催雁  
着行喚迴邊將夢吹薄曉蟾光未遂終軍志何  
勞思故鄉

寄楚瓊上人

遙知無事日靜對五峰秋鳥隔寒煙語泉和夕  
照流凭闌疎磬盡瞑目遠雲收幾度超人句風  
高白雪浮

遊寺

無家身自在時得到蓮宮秋覺暑衣薄老知塵



世空幽情憐水石野性似萍蓬是處堪閒坐與  
僧行住同

春日

浩蕩東風裏徘徊無所親危城三匝水古樹一  
邊春衰世難修道花時不稱貧滔滔天下者何  
處問通津

送從兄坤載

忍淚不敢下恐兄情更傷別離常亂世骨肉在  
他鄉語盡意不盡路長愁更長那堪回首處幾

照落衣裳

秋日訪同人

忽憶金蘭友携琴去自由遠尋寒澗碧深入亂  
山秋見後却無語別來長獨愁幸逢三五夕露  
坐對冥搜

送錢契明尊師歸廬山

瘦倚青竹杖爐峰指欲歸霜粘行日屨風暖到  
時衣凭檻雲還在攀松鶴不飛何會有別恨楊  
柳自依依



贈任肅

白髮休相待青雲有路岐莫言多事日虛擲少  
年時松色寒中出人情難後知聖朝公道在中  
鵠勿差池

送曹稅

摻袂向春風何時約再逢若教相見密肯恨別  
離重芳草漁家路殘陽水寺鐘落帆當此處吟  
興不應慵

贈來鵬

默坐非關悶凝情祇在詩庭閒花落後山靜月  
明時答客言多簡尋僧步稍遲旣同和氏璧終  
有玉人知

登樓值雨

江徼多佳景秋吟興未窮送來松檻雨半是蓼  
花風猛浪驚翹鷺昏煙叫斷鴻不知今夜客幾  
處卧寒空

送趙舒處士歸廬山

歸岫香爐碧行吟步益遲諸侯師不得樵客偶



歷代詩選 唐李處所 卷之九  
相隨思舊江雲斷談玄岳月移祗應張野輩異  
代作心知

冬夕喜友生至

天涯行欲徧此夜故人情鄉國別來久干戈還  
未平燈殘偏有焰雪甚却無聲多少新聞見應  
須語到明

寄嵩陽隱者

昔年江上別初入亂離中我住匡山北君之少  
室東信來經險道詩半憶皇風何事猶高卧巖

邊夢未通

和倫睦上人聽猿

禪客聞猶苦是聲應是啼自然無穩夢何必到  
巴溪疎雨灑不歇迴風吹暫低此宵秋欲半山  
在二林西

秋興

木葉亂飛盡故人猶未還心雖遊紫闕時合在  
青山近寺僧隣靜臨池鶴對閒兵戈如未息名  
位莫相關



秋日疾中寄諸同志

閒居無勝事公幹卧來身  
門靜秋風晚人稀古  
巷溪花疎籬菊色葉減井梧陰  
賴有斯文在時時得共尋

題陳正字山居

怪來忘祿位習學近瀟湘  
見處雲山好吟中歲  
月長花光籠晚雨樹影浸寒塘  
幾日憑欄望歸心自頽頽

江行

瀟湘無事後征棹復嘔啞  
高岫留斜照歸鴻背  
落霞魚殘沙岼草蝶寄泐流槎  
共說干戈苦汀洲減釣家

酬鄭進士九江新居見寄

躡屐扣柴關因成盡日閒  
獨聽黃鳥語深似白雲間  
萍沼寬于井莎城綠當山前期  
招我作此景得吟還

訪友人不遇

出門無至友動卽到君家  
空掩一庭竹去看何



歷代詩選 唐李成用  
寺花短僮應捧杖  
穉子學擎茶  
吟罷留題處  
苔階日影斜

小雪

散漫陰風裏  
天涯不可收  
壓松猶未得  
撲石暫能留  
閣靜縈吟思  
途長拂旅愁  
崆峒山北面  
早想玉成丘

和人遊東林

一從張野卧  
雲林勝槩誰  
人更解尋黃鳥  
不能言往事  
白蓮虛發至  
如今年年上國榮  
華夢世

世高流水石心始欲共  
君重悵望紫霄峰外日  
西沈

自君之出矣

自君之出矣  
鸞鏡空塵生  
思君如明月  
明月逐君行

早行

北吹微微動旅情  
不堪分手在平明  
寒雞不待東方曙  
喚起征人踏月行

鄭巢



泊靈溪館

孤吟疎雨絕荒館亂峰前曉鷺棲危石秋萍滿  
敗船溜從華頂落樹與赤城連已有求閒意來  
期在暮年

題崔中丞北齋

湖近草侵庭秋來宦况清寒潮添井味遠漏帶  
松聲放卷聽泉坐尋僧踏雪行何年各無事高  
論宿青城

送象上人還山中

竹錫與袈裟靈山滿夕霞泉痕生淨蘚燒力落  
寒花高戶閒聽雪空窗靜擣茶終期宿華頂迢  
遞說三巴

送魏校書赴夏口從事

西風吹遠蟬驛路在雲邊獨夢諸山外高吟二  
水前夜燈分楚塞秋角滿湘船郡邑多巖竇何  
方便學仙

寄貞法師

巡禮知難盡幽人見亦稀幾年潭上過寧待雪



中歸遠瀑穿經室寒蟄發定衣無因尋道者獨  
坐對松扉

哭虛海上人

一化西風外禪流派稍分買碑行暮雨斲石葬  
寒雲靜戶關松色荒齋聚鳥羣朗吟聲不倦高  
傳有遺文

送韋弁

挂席曙鐘初家山半在吳榜聲過遠寺江色澗  
秋蕪陂鶴巢城木邊鴻宿岬蘆知君當永夜獨

自入菱湖

送袁肇歸山陰

論文意有違寒雨灑行衣南渡久誰語東山今  
獨歸河帆因樹落沙鳥背潮飛若值雲門侶多  
應宿翠微

送僧歸富春

憶過僧禪處遙山抱竹門古房關蘚色秋逕掃  
潮痕石淨聞泉落沙寒見鶴翻終當從此望更  
與道人言



送人赴舉

篇章動玉京  
墜葉滿遙程  
舊國與僧別  
秋江罷釣行  
馬過隋代寺  
檣出楚山城  
應近嵩陽宿  
潛聞瀑布聲

秋思

寒蛩鳴不定  
郭外水雲幽  
南浦雁來日  
北窗人卧秋  
病身多在遠  
生計少於愁  
薄暮西風急  
清砧響隔樓

秋日陪姚郎中登郡中南亭

雲水生寒色  
高亭發遠心  
雁來疎角韻  
槐落減秋陰  
隔石嘗茶坐  
當山抱瑟吟  
久知瀟灑意  
不似有朝簪

贈蠻僧

南海何年過  
中林一磬微  
病逢秋雨發  
心逐暮潮歸  
久卧前朝寺  
猶逢故國衣  
近來慵步履  
石蘚遶柴扉

楚城秋夕

故苑多愁夕  
西風落葉黃  
寒江侵霧月  
曉角滿



城霜弟姪來書少關河去路長幾時停桂楫故  
國隔瀟湘

瀑布寺貞上人院

林疎多暮蟬師宿北山煙古壁燈薰畫秋琴雨  
澗絃竹間窺遠鶴瀑上取寒泉西嶽沙房住歸  
期更幾年

送靈溪李侍郎

貂裘離闕下初佐漢元勳河偃流漸疊沙晴遠  
樹分牛羊歸暮靄鼓角調寒雲中夕蕭關宿邊

聲不可聞

宿天竺寺

暮過潭上寺獨宿白雲間鐘磬遙連樹星河半  
隔山石中泉閣落松外戶初關却憶終南裏前  
秋此夕還

送省空上人歸南嶽

言歸衡嶽寺舊院樹冥冥坐石縫孤衲尋龕補  
壤經嶠雲籠曙磬潭卉着秋瓶誰伴高窗宿禪  
衣挂草亭



送琇上人

古殿焚香外清羸坐石稜  
茶煙開瓦雪鶴迹上  
潭冰孤磬侵雲動靈山隔水登  
白雲歸意遠舊  
寺在廬陵

送人南遊

南京路悄然欹石漱流泉  
遠寺寒雲外揚帆暑  
雨前雁行迴曉岫蜃色上湖田  
更想清吟處多  
同隱者眠

題崔行先石室別墅

山空水遶籬幾日此棲遲  
採菊頻秋醉留僧擬  
夜棊桂陰生野菌石縫結寒澌  
更喜連幽洞惟  
君與我知

送李式

瀟湘路杳然清興起秋前去  
寺多隨磬看山半  
在船綠雲天外鶴紅樹雨中蟬  
莫使遊華頂道  
遙更過年

陳氏園林

當門三四峰高興幾人同  
尋鶴新泉外留僧古



歷代詩選 唐鄭集  
木中蟬鳴槐葉雨魚散芰荷風多喜陪幽賞清  
吟遶石叢

送邊使

關河度幾重邊色上離容灞水方爲別沙場又  
入冬曙鷗迴大旆夜雪沒前峰漢使多長策須  
令遠國從

和姚郎中題凝公院

石房寒竹連白晝坐冥然片衲何山至空堂幾  
夜禪葉侵經上字冰結硯中泉雪夕誰同話懸

燈古像前

送姚郎中罷郡遊越

逍遙方罷郡高興接東甌幾處行杉逕何時宿  
石樓潮聲穿古竇華影在空舟惆悵雲門路無  
因得從遊

送衡州薛從事

吟去望雙旌滄洲晚氣清遙分高岳色遞出遠  
蟬聲楚霽雲連寺湘寒浪拍城孤猿不可聽白  
髮應時生



王周

泊姑熟口

杳杳金陵路難禁欲斷魂  
雨晴山有態風晚水無痕  
遠色千檣嘶愁聲一笛村  
如何遣懷抱詩畢自開樽

富池口

扁舟閒引望望極更盤桓  
山密礙江曲雨多饒地寒  
短莎煙冉冉驚浪雪漫漫  
欲寫愁何限鄉關在一端

題廳壁

永日無他念孤清吏隱心  
竹聲并雪碎溪色共煙深  
數息閒凭几緣情默寄琴  
誰知同寂莫相與結知音

西山晚景和

一片殘陽景朦朧淡月中  
蘭芽紆嫩紫梨頰抹生紅  
琴阮資清格冠簪養素風  
煙霄半知己吏隱少相同

早春西園



歷代詩選 唐五月  
引步携筇竹西園小逕通雪歌梅蒂綠春入杏  
梢紅靜意崖穿溜孤愁笛破空如何將此景收  
拾向圖中

采桑女

采桑知蠶飢投梭惜夜遲誰誇羅綺叢新畫學  
月眉

渡溪

渡溪溪水急水濺羅衣濕日暮猶未歸盈盈水  
邊立

霞

拂拂生殘暉層層如裂緋天風剪成片疑作仙  
人衣

巴江

巴江江水色一帶濃藍碧仙女瑟瑟衣風梭晚  
來織

湖口驛

柴桑分色載圖經屈曲山光展畫屏最是蘆洲  
東北望人家殘照隔煙汀



歷代詩選 唐五原  
宿疎陂驛

秋染棠梨葉半紅  
荊州東望草平空  
誰知孤宦天涯意  
微雨瀟瀟古驛中

再經秭歸

總角曾隨上峽船  
尋思如夢可凄然  
夜深孤館重來宿  
枕底灘聲似舊年

巫山公署壁有無名山戲書二韻

南陵直上路盤盤  
平地凌雲勢萬端  
堪笑巴民猶不厭  
更嫌山少畫來看

會稽岑山人

渝州江畔忽相逢  
說隱西山最上峰  
略坐移時又分別  
片雲孤鶴一枝筇

夔州病中

隱儿經旬疾未痊  
寒燈孤驛苦爲眠  
郡樓昨夜西風急  
一一更籌到枕前

無題二首

冰雪肌膚力不勝  
落花飛絮遶風亭  
不知何事鞦韆下  
蹙破愁眉兩點青



唐詩選 唐五律  
梨花如雪已相迷更被驚鳥半夜啼  
簾卷玉樓人寂寂一鈎新月未沈西

道中未開木杏花

粉英香萼有千般無限行人立馬看  
村女浴蠶桑柘綠枉將顏色忍春寒

大石嶺驛梅花

仙中姑射接瑤姬成匹清香擁路岐  
半出驛墻誰畫得雪英相倚兩三枝

和杜運使巴峽地暖節物與中土異黯然

有感

垂柳參差破綠芽此中依約欲飛花  
春光是處傷離別何況歸期未有涯

于鄴

西還

不繫與舟閒悠悠吳楚間羞將新白髮  
却到舊青山一葉初飛樹幾人同入關  
長安家尚在秋至又西還

東門路



東門車馬路此路在浮沈白日若不落紅塵應  
更深從來名利計惟見寵辱驚所以青青草年  
年生漢陰

客中

楚人歌竹枝遊子淚沾衣異國久爲客寒宵方  
夢歸一封書未返千樹葉齊飛南過洞庭水更  
應消息稀

孤雲

南北各萬里有雲心更閒因風離海上伴月到

人間洛浦少高樹長安無舊山徘徊不可駐漠  
漠更東還

夜與故人別

白日去難駐故人非舊容今宵一別後何處復  
相逢過楚水千里到秦山幾重語來天又曉月  
落滿城鐘

南遊

窮秋幾日雨處處生蒼苔舊國寄書後涼天方  
雁來露繁山草濕洲暖水花開去盡同行客一



歷代詩選 卷七十八  
三  
帆猶未回

洛陽道

浮世若浮雲千回故復新  
旋添青草塚更有白頭人  
歲暮客將老雲晴山欲春  
行行車與馬不盡洛陽塵

題華山麻處士

貴賤各擾擾皆逢朝市間  
到此鳥無跡始知君獨閒  
冰破聽敷水雪晴看華山  
西窗寂莫處而我坐忘還

書懷

長安多路岐西去欲何依  
浮世只如此舊山長憶歸  
自離京國久應已故人稀  
好與孤雲住孤雲無是非

遠水

悔作望南浦望中生遠愁  
因知人易老爲有水東流  
欲附故鄉信不逢歸客舟  
萋萋兩岍草又度一年秋

贈隱者



歷代詩選 卷二十一 第...  
石室掃無塵人寰與此分飛來南浦樹半是華  
山雲浮世幾多事平生俱不聞寒川滿西日空  
照雁成羣

山上樹

日暖山上路鳥啼知己春忽逢幽隱處如見獨  
醒人石冷開常晚風多落亦頻樵夫應不識歲  
久伐爲薪

路旁草

春至始青青香車碾已平不知山下穩來遶路

旁生每歲有人去何時無馬行應隨塵與土吹  
滿洛陽城

江樓春望

樓下長江路舟車晝不閒鳥聲非故國春色是  
他山一望雲復水幾重河與關愁心隨落日萬  
里各西還

秋夕聞雁

星漢欲沈盡誰家砧未休忽聞涼雁至如報杜  
陵秋千樹又黃葉幾人新白頭洞庭今夜客一



半却登舟

夜泊湘江

北風吹楚樹此地獨先秋何事屈原恨不隨湘  
水流凉天生半月竟夕伴孤舟一作南行客無  
成空白頭

感情

青山長寂寞南望獨高歌四海故人盡九原新  
塚多西沈浮世日東注逝川波不使年華駐此  
生看幾何

春雨函谷

幾度作遊客客行長苦辛愁看函谷路老盡布  
衣人歲遠關猶困時移草亦春何當名利息遣  
此絕征輪

寄友人

長安清渭東遊子迹重重此去紅塵路難尋君  
馬蹤昔時輕一別漸老貴相逢應戀嵩陽住嵩  
山有古松

尋僧不遇



數歇度煙水漸非塵俗間  
泉聲入秋寺月色徧  
寒山石路幾回雪竹房  
猶閉關不知雙樹客何  
處與雲閒

天南憶故人

獨行千里塵軋軋轉征輪  
一別已多日總看成  
老人洞庭雪不下故國  
草應春二月煙波暖南  
風生綠蘋

南遊有感

杜陵無厚業不得駐車輪  
重到曾遊處多非舊

主人東風千嶺樹西日一洲蘋  
好度湘江水湘江  
水復春

詠蟬

江頭一聲起芳歲已難留  
聽此高林上遙知故  
國秋應催風落葉似勸  
客迴舟不是新蟬苦年  
年自有愁

題長春宮

莫問古宮名古宮空有城  
惟應東去水不改舊  
時聲



高樓

遠天明月出照此誰家樓上有羅衣色涼風吹不休

伍喬

冬日道中

去去天涯無定期瘦僮羸馬共依依暮煙江口客來絕寒葉嶺頭人住稀帶雪野風吹旅思入雲山火照行衣釣臺吟閣滄洲在應爲初心未得歸

僻居秋思寄友人

門巷秋歸更寂寥雨餘閒砌委蘭苗夢迴月夜蟲吟壁病起茅齋藥滿瓢澤國舊遊關遠思竹林前會負佳招身名未立猶辛苦何許流年晚髮凋

寄落星史虛白處士

白雲峰下古溪頭曾與提壺爛熳遊登閣共看彭蠡水圍爐相憶杜陵秋棊玄不厭通高品句妙多容隔歲酬別後相思時一望暮山空碧水



空流

僻居酬友人

僻居雖愛近林泉幽逕閒居碧蘚連  
向竹掩扉隨鶴息就溪安石學僧禪  
古琴帶月音聲亮山果經霜氣味全  
多謝故交憐朴野隔雲時復寄佳篇

遊西山龍泉禪寺

疊巘層峰坐可觀枕門流水更潺湲  
曉鐘聲徹洞溪遠夏木影籠軒  
檻寒幽逕乍尋衣屨潤古

堂頻宿夢魂安因嗟城郭營營事不得長遊空  
鬢殘

宿瀟山

一入仙山萬慮寬夜深寧厭倚虛欄  
鶴和雲影宿高木人帶月光登古壇  
芝朮露濃溪塢白薜蘿風起殿廊寒  
更陪羽客論真理不覺初鐘叩曉殘

九江旅夜寄山中故人

菡柳風高遠漏沈坐來難便息愁吟江城雪盡



寒猶在客舍燈孤夜正深塵土積年粘旅服關  
山無處寄歸心此時遙羨閒眠侶靜掩雲扉卧  
一林

遊西禪

遠岫當軒列翠光高僧一衲萬緣忘碧松影裏  
地長潤白藕花中水亦香雲自雨前生淨石鶴  
子鐘後宿長廊遊人戀此吟終日盛暑樓臺早  
有涼

寄史處士

長羨閒居一水湄吟情高古有誰知石樓待月  
橫琴久漁浦經風下釣遲僻場落花多掩徑舊  
山殘燒幾侵籬松門別後無消息早晚重應躡  
屐隨

劉兼

送文英大師

屈指平陽別社蓮蟾光一百度曾圓孤雲自在  
知何處薄宦參差亦信緣山郡披風方移若花  
時分袂更凄然搖鞭相送嘉陵岼迴首羣峰隔



翠煙  
春怨

繡林紅坼落花鈿故去新來感自然絕塞杪春  
悲漢月長林深夜泣湘絃錦書雁斷應難寄菱  
鏡鸞孤貌可憐獨倚畫屏人不會夢魂纔到戍  
樓邊

秋夕書事

搖落江天萬木空雁行斜戛塞垣風征閨搗月  
離愁遠舊館眠雲旅夢通郢客豈能陪下里臯

禽爭肯戀樊籠此心曠蕩誰相許盡在南華十

卷中

晚樓寓懷

薄暮疎林宿鳥還倚樓垂袂復憑欄月沈江底  
珠輪淨雲鎖峰頭玉葉寒劉毅暫貧雖壯志馮  
唐將老自低顏無言獨對秋風立擬把朝簪換  
釣竿

貴遊

繡衣公子宴池塘淑景融融萬卉芳珠翠照天



春未老管絃臨水日初長風飄柳線金成穗雨  
洗梨花玉有香醉後不能離綺席擬憑青帝繫  
斜陽

中春宴遊

二月風光似洞天紅英翠萼簇芳筵楚王雲雨  
迷巫峽江令文章媚蜀箋歌黛久顰春岫歛舞  
衣新繡曉霞鮮酒闌香袂初分散笑指漁翁立  
暮煙

登樓寓望

憑高多是偶汎瀾紅葉何期客思殘萬疊雲山  
供遠恨一軒風物送秋寒背琴鶴客歸松逕橫  
笛牛童卧蓼灘獨倚郡樓無限意夕陽西下水  
漫漫

夢歸故園二首

桐葉飛霜落井欄菱花藏雪忍相看夜窗颯颯  
搖風竹秋枕迢迢夢故山臨水釣舟橫葦岬隔  
溪禪侶啟柴關覺來依舊三更月離緒鄉心起  
萬端



唐詩選 唐鑑 卷之八 三  
舊館秋寒一夢長水簾疎影入廻塘宦情率爾  
拖漁艇客恨依然在燕梁白鷺獨飄山面雪紅  
渠全謝鏡中霜起來不語無人會醉倚東軒半  
夕陽

玉燭花

裊裊香英三四枝亭亭紅艷照堦墀正當晚檻  
初開處恰似春闈就試時少女不吹方熠燿東  
君偏惜未離披夜深斜倚朱欄外擬把隣光借  
與誰

春晚閒望

東風滿地有梨花祇把琴心帶酒家立處晚樓  
橫短笛望中春草接平沙雁行斷續晴天遠燕  
翼參差翠幕斜歸計未成頭欲白釣舟煙浪思  
無涯

寄酬滑州文秀大師

分飛屈指十三年茵苜菖峰頭別社蓮薄宦偶然  
來左蜀孤雲何事在南燕一封瑤簡音初達兩  
處金沙色共圓珍重湯休惠佳句郡齋吟久不



成眠

送二郎君歸長安

我兒辭去淚雙流蜀郡秦川兩處愁紅葉滿山  
歸故國黃茅徧地往他州荷衣曉挂慙官吏菱  
鏡秋窺訝鬢髭好向雲泉營舊隱莫教莊叟畏  
犧牛

登郡樓書懷

偶奉綸書蒞旭川郡樓嘉致盡依然松歌鳥道  
雲藏寺月滿漁舟水浸天望帝古祠花簇簇錦

城歸路草芊芊有時倚檻垂雙袂故國風光似  
眼前

郡樓閒望書懷

郡城樓閣遶江濱風物清秋入望頻銅鼓祭龍  
雲塞廟蘆花飄市雪粘人蓮披淨沼羣香散鷺  
點寒煙玉片新歸去杜陵池館在且將朝服拂  
埃塵

郡齋寓興

依約樊川似旭川郡齋風物盡蕭然秋庭碧蘚



鋪雲錦晚閣紅蕖簇水仙醉筆語狂揮粉壁歌  
梁塵亂拂花鈿情懷放蕩無羈束地角天涯亦  
信緣

春宵

春雲春日共朦朧滿院梨花半夜風宿酒未醒  
珠箔卷艷歌初闋玉樓空五湖范蠡才堪重六  
印蘇秦道不同再取素琴聊假寐南柯靈夢莫  
相通

春遊

柳成金穗草如茵載酒尋花共賞春自入醉鄉  
君莫問十年風景在三秦

春夜

薄薄春雲籠皓月杏花滿地堆香雪醉垂羅袂  
倚朱欄小數玉仙歌未闋

石倉十二代詩選

唐卷之七十八 終







書